

Allagarsiuteqqitaq: Inuit Innarluutillit Oqaaseqartartorqarfia Tilioq AC-fuldmægtigimik pissarsiorpoq

Inuit pisinnaatitaaffii aamma inuit innarluutillit pillugit suliassa qarfiit soqutigaagit?

Taamaappat Tilioq immaq suliffigisinnaavat.

Inuit Innarluutillit Oqaaseqartartoqarfia, Naalagaaffiit Peqatigiit Inuit Innarluutillit

Pisinnaatitaaffii pillugit Isuma qatigiissutaat naapertorlugu, ulluinnarni sulissutigaa Kalaallit

Nunaanni inuit innarluutillit taakkulu qanigisaasa inuit innarluuteqanngitsut naligalugit

inuuneqarsinnaanissaat qulakkeerniarlugu. Maannakkut AC-fuldmægtigimik

tunniusimasumik, aaqqissuulluakkamik sulisinnaasumik kiisalu

suleqatiginnilluarsinnaasumik pissarsiorpugut, ajornanngippallu qinnuteqartoq suliniutinik

ingerlatsinermut aamma inuit pisinnaatitaaffiit tunngasunik sulinermut misilittagaqarluni

piginnaasaqarlualtuussaaq.

Atorfik pillugu

AC-fuldmægtigip suliniutinik ingerlatsinermigut aamma paasissutissiinermik

tunniusimalluni suliaqarnermigut Inuit Innarluutillit Oqaaseqartartuata aamma Tiliup

suliaannut pingaarutilimmik tapertaassaaq. AC-fuldmægtigip akisussaaffigissavaa

suleqataaffigalugillu inuit innarluutillit pillugit suliniutinik aqutsineq, ineriartortitsineq inuillu

innarluutillit pillugit suliaqarfiup malunnaatilimmik sunnee qataaffigissavaa suliniutinik

ingerlatsinikkut, paasititsiniaanikkut, aaqqissuussinernik ingerlatsinikkut,

sunniinarnermillu suliaqarnikkut. Allattoqarfimmi sulisut allat qanimut suleqatigalugit

Tiliup periusissiaa aamma siunertaa akuerisaasut piviusunngortinneqarnissaat

isumagissavat.

Suleqatigiit ikittunnguuvugut, sulisuusugullu tamatta immikkut suliniutinik suliassanillu

aalajangersimasunik suliaqarpugut, pisariaqartitalu naapertorlugit suliniutit imminnut

ataqatigiissillugit ingerlattarpavut. Inuit Innarluutillit Oqaaseqartartoqarfia maannakkut

AC-fuldmægtigi ilanngullugu tallimanik sulisoqarpoq.

Tiliup allatseqarfia Sisimiuni inissisimavoq. Ammaffigaarput nunatsinni piffinni allani

qinnuteqartut najugaqarsinnaanerat. Atorfimmut atatillugu angalasarnissaq

naatsorsuutigisinnaavat.

Suliassat pingaarnerit / piginnaasat

- Suliniutinik ingerlatsineq, ilanngullugit pilersaarusiorneq, aningaasassarsiorarneq,

ataqatigiissaarineq, malinnaaneq, naliliineq aamma nalunaarusiorneq. Tamanna

suliniutinut aqutsisoq aamma allatseqarfimmi sulisut allat peqatigalugit

ingerlanneqassaaq.

- Paasissutissiinermik suliaqarneq, ilaatigut Tiliup inoqatinut attaveqartarfinni

quppernerini paasissutissiisarnikkut.

- Allaaserinnineq, soorlu ataatsimiinnernit imaqarniliat, misissueqqissaarnerit,

tusarniaanermut akissutit, policy briefs (aalajangiisartunut innersuussutit),

tusagassiorfinnut nalunaarutit, nalunaarusiat, aningaasaateqarfinnut qinnuteqaasiornerit,

allakkiallu allat il.il.

- Aaqqissuussinernik aamma sammisaqartitsinernut suliffeqarfittut ingerlattakkatsinnut

pilersaarusiorneq aamma ataqatigiissaarineq, ilaatigut tassaasut ukiumoortumik

isumasioqatigiinneq aamma ataatsimeersuartsineq.

- Suliassat takkussuuttut malillugit sullissineq.

Illit pillutit

Erseqqissuliorsinnaassuseqarputit misissueqqissaarsinnaasoq, inuiaqatigiinnilu pitsanngorsaaneermik allanngueqataanissamut tunniusimasuullutit kajumissuseqarlutillu. Inuit assigiinngitsuuneri ataqquvatit, nikerartumi sulisinnaassuseqarlutit kiisalu inuit piginnaasamikkut pisinnaasamikkullu assigiinngitsunik tunuliaqutallit suleqatigilluarsinnaallugit. Tiliumut politikerinit, pisortanit inuiaqatigiinniillu naatsorsuutigisat annertusinnaasarput, taamaattumillu pingaaruteqarpoq suliffeqarfimmi allanngorartumi annertuumillu suliaqarfiusumi sullisigasuarsinnaassuseqartutit, suleqatigiillu anguniagaqartut ikioqatigiittullu peqatigerusukkitit.

Taamaattumik neriuutigaarput, illit:

- Kandidatiuvutit, soorlu socialvidenskabimi, inuiaqatigiillerinermi imaluunniit politiktimi kandidatiuguit attuumassuteqartumilluunniit misilittagaqarlutit.
 - Uku ilaannut ataatsimut arlalinnuunniit misilittagaqartutit imaluunniit ilisimasaqartutit: inuttut innarluteqarneq, inuit pisinnaatitaaffii, suliniutinik ingerlatsineq, nunap inoqqaavisa pisinnaatitaaffii, Naalagaaffiit Peqatigiit, NGO-t assigisaallu.
 - Namminersorsinnaassuseqartutit nalimmassarsinnaalluartsutillu, sulissutigisassanillu aallarniisnaassuseqarlututit aamma nutaaliorsinnaasutit.
 - Danskisut, kalaallisut ajornanngippallu tuluttut allattariarsornermi oqaluttariarsornermilu pitsaasunik piginnaasaqartutit. Pingaaruteqarpoq paasisutissanik paasiuminaassinnaasunik, akademiskinik aamma inatsisilerinermut tunngasunik imallit paasiuminartumik paasisutissiissutigisinnaassagitit.
- Tilioq suliffeqarfiuvoq anginngitsaq, suliffeqarfitsinnullu naleqquttumik atorfinitsitsinissarput pingaartikkatsigu, qinnuteqartut piginnaasaasa aamma misilittagaasa ataatsimut isigineqarnissaat pingaartipparput, qinnuteqartut qulaani taaneqartunit allanik piginnaasaqarlupalluunniit.

Neqeroorutigaarput

Atorfik pissanganartoq akisussaaffimmik annertuumik imalik, kiisalu suliamut aamma inuttut ineriartornissamut periarfissalik neqeroorutigaarput. Suliassa qarfiup ineriartortitseqataaffiginissaanut sunnee qataanissannut periarfissaqassaatit, qularnanngitsumillu inuit innarlutit taakkulu qanigisaat pillugit assigiinngitsutigit iluaqutaasumillu allanngueqataasinnaassallutit, suliaqarfiullu suliat pitsaassusaannik qaffassarsinnaassallugu. Tiliumi suleqatigiit akornanni pitsaasumik aamma isumassarsiorfiusumik avatangiiseqarpugut, suleqatigilissavatillu suleqatigiit suleqatigisartakkallu tunniusimasut, isumassarsiorluartut, nutaaliortut, suliassanik isumaqarlutunik pissanganartunillu kiisalu assigiinngiisitaartunik suliaqartut. Suliffittut pingaartipparput suliffimmi avatangiisit pitsaasuunissaat, tamanik inissaqartitsisut aamma suleqatigiinneq pitsaasoq. Tiliumi sulinerup aamma suliffiup avataatigit inuunerup oqimaaqatigiissuunissaa pingaartipparput, ilaatigit angerlarsimaffimmiit sulisinnaaneq aamma eqaatsumik sulinermik aqqissuussisinnaaneq aqqutigalugit. Aamma aqutseriaaseq qanilaartuuvoq, ataatsimoorluta aalajangiinerit ingerlattelutigit. Suliffiuvoq assigiinngissutsinik pingaartitsisoq, suliffimmi avatangiisit pitsaasuunissaannik pingaartitsisoq. Neriutigaarput illit suliffimmi avatangiisit taamaattut attatiinnarneqarnissaannut peqataallarusuttutit.

Akissarsiat aamma atorfinitsitaanermi atugassarititaasut

Akissarsiat atorfininnermilu atugassarititaasut, Kalaallit Nunaanni Namminersorlutik

Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut.

Atorfik tunngaviumik piffissaq tamakkerlugu suliffiuvoq, sapaatip akunneranut nalunaaquttap akunneri 40-t, eqaannerusumilli suliffeqarneq imaluunniit assingusumik aaqqiineq periarfissaasinnaalluni.

Inissaq

Atorfimmut atatillugu malittarisassat qaqugukkulluunniit atuuttut naapertorlugit sulisunut Sisimiuni inissiamik pequsersorsimanngitsumik innersuussisoqarsinnaavoq. Inissamik innersuussisoqarsinnaanngilaq, pineqartoq atorfimmut atatillugu ineqareersuuppat, imaluunniit ineqarsimappat kommunep inaataanik Namminersorlutillu Oqartussalluunniit inaataanik. Malittarisassat qaqugukkulluunniit atuuttut naapertorlugit inissiamut innersuussutigineqartumut akiliutit qularnaveeqqutillu akilernerqassapput. Atorfimmut atatillugu ini atorfeqarnermut tunngavoq atorfeqarnerullu unitsinnerani qimanneqassalluni.

Ineqarnermut akiliut aamma inissiap pitsaassusaa nikerarsinnaapput inissiap qanga sananeqarsimanera, piginnittua il.il apeqqutaallutik. Sulisutut ataavartumik initaarnissaq utaqqinarsinnaavoq, taamaattumik utaqqiisaagallartumik inissiisoqarsinnaasarpog, tassunga ilanngullugu najugaqatigiiffinnut minnerusunut imaluunniit akunnittarfimmi inissianut inissiisoqarallarsinnaalluni, taakkulu akileraarusersorneqassallutik. Sulisunut inissiani utaqqiisaasumilluunniit inigisani angisuunik uumasuteqarsinnaaneq, soorlu qimmeqarsinnaaneq qitsuuteqarsinnaanerluunniit, periarfissaqanngilaq.

Qinnuteqarneq

Naatsorsuutigineqarpoq oktobari 2026-mi atorfinitsitsineq pissasoq, imaluunniit isumaqatigiissuteqarnikkut.

Atorfik pillugu annertunerusumik paasisaqarusukkuit, Inuit Innarlutillit Oqaaseqartartuat Qivioq Løvstrøm attavigisinnaavat oqarasuaatikkut +299 345631 imaluunniit e-mailikkut: qilo@tilioq.gl.

Qinnuteqaatit CV-mik aamma allagaatinillu allanik tamatumunnga tunngassuteqartunik ilaqartillugu uunga nassiuguk: qilo@tilioq.gl kingusinnerpaamik 30. aggusti 2026.

Oqaloqatiginninnerit ingerlanneqarnissaat naatsorsuutigineqarpoq sapaatip akunnera 36-mi.

Piginaasaqartut soqutiginnittullu tamarmik, inuttut innarluteqarneq, ukiut, suaassuseq, ammip qalipaataa, upperisaq inuiaassuserlu apeqqutaatinnaq, atorfimmut qinnuteqarnissaannik kajumissaarpagut.

Tilioq pillugu annertunerusumik atuarsinnaavutit nittartakkatsinni: <https://www.tilioq.gl/kl/>.